

Aningaasarsianit akileraarutit pillugit Inatsisartut inatsisaata allanngortinneqarneranik siunnersuut**Saqquummiusissut**

(Aningaasaqarnermut Naalakkersuisoq)

Siullermeerinninneq

Naalakkersuisut sinnerlughit aningaasarsianit akileraarutit pillugit Inatsisartut inatsisaata allanngortinneqarnissaanik siunnersuut matumuuna saqqummiutissavara.

Inatsimmut siunnersuutip pingaarcerusutut siunertaraa akileraartarnermi periuseq nakussasarlu piffissamilu aggersumi inuussutissarsiuteqarnertigut ineriarternermut naleqqussarlungu.

Ukiuni kingulliunerusuni aatsitassatigut pisuussutinik sammisaqarnermi suliat malunnaateqartumik annertuseriarsimapput. Soorunami tamanna Naalakkersuisut nuannaarutigaat, aningaasaqarnikkut atugarisatsinnut maanna ajungitsumik sunniuteqarmat aamma neriuutigatigutsigu siunissaq ungasinnerusoq eqqarsaatigalugu ingerlatat suli annertunerulernissaat immaqalu allaat Kalaallit Nunaata siunissami aningaasaqarnikkut ineriartereranut periarfissatigut aalajangiisuu sumik sunniuteqarsinnaalluni.

Periarfissat tamakku iluamik iluaqtigisinnaassagutsit akileraartarneq pillugu inatsiseqartitsinerup ingerlaavartumik aatsitassatigut pisuussutinik ingerlatsinerup, allatigullu inuussutissarsiuteqarnermi inuiaqatigiillu pisariaqartitsinerannut naleqqussartuarnissaa aaqqissuuttarnissaalu pisariaqarluunnarpooq. Inatsisissatut siunnersuut saqqummiunneqartoq Naalakkersuisut taamatut pisariaqartitsinerup timaliiviginissaanut piumassuseqarnerannut ertiutaavoq.

Atuagassiami ilanngussami Kalaallit Nunaata imartaani kulbrintisiornernik akileraarusiisinnanermut periarfissaqarnera nalorninartutut saqqummiunneqarsimavoq. Taamatut nalornineq oliasiortut ingerlatsiviit Naalakkersuisulluunniit akueriinnarsinnaanngilaat. Taamaattumik Naalakkersuisut malittarisassanik immami ingerlatani sulisullu ilaannik suliamik ingerlatsisunik Kalaallit Nunaata akileraarusiisinnaneranik erseqqissaataasut arlaqartut siunnersuutigaat.

Inatsit akileraartarnermi nalikilliliinernut tunngatillugu malittarisassanik atornerluinernik pinngitsoorttsiniartussanik aamma imaqrpoq. Siunnersuutip siunertaraa akileraartarnermi periuseq tunngavigalugu selskabinik nalikillilerisinnaanermink tamakkiisumik atuisimanngitsunik pisisarnerit pinngitsoortinnissaat. Selskabi taamaattoq tunineqarpat pisisup malittarisassat maannamut atuuttut tunngavigalugit ajoquteqanngitsumik ingerlatat isertitaqarfiusut selskabimut ilanngussinnaavaat taakkualu akileraaruserneqarnissaat selskabip nalikilliliinissamut periarfissat atorneqanngitsut atorlugit akileraarusertingitsoorsinnaallugit. Taamaalilluni selskabimik tunisisut pisisullu aningaasarsianit akileraarutit pillugit inatsimmi § 30-imi selskabinik amigaartoorteqartunik nioqquqteqarnissamut illersuutaasoq sanioqqussinnaallugu. Selskabinik nalikillilerinissamut periarfissanik atuisimanngitsunik nioqquqteqarneq pisortat isertitasannik annertuumik annaasaqartitsisinnaavoq, taamatullu niuernerit inuiaqatigiit eqqarsaatigalugit ingerlatseqatigiiffinnik amigaartoorteqartunik niueruteqarnernut assersunneqarsinnaapput. Allannguutissatut siunnersummit matuminnga pineqartut illuatungilerniarneqarput.

Naalakkersuisut aamma siunnerfigaat nunami allamiut suliffeqarfiutaasa akileraarutit A-t tunniunneqarneranni kalaallit suliffeqarfiinik piginnaatitsinikkut sinniisutitanik atuinissaannik maleruagassiortoqassasoq. Aammalu siunnersuutigineqarpoq nassuaatinik tamakkununngalu tunngaviusunik Kalaallit Nunaanni toqqorsisarnissamut pisussaaffiliinermik eqqussineqassasoq. Maleruagassiat taakkua nunami allamiut suliffeqarfiisa akileraarutit A-nik naatsorsuusio- rfiinnik nakkutilliinermi misissuiffiginiarnissaat ajornannginnerulersissavaat.

Kiisalu siunertaavoq akeqanngitsumik biileqartitaanerup akileraarusigaaneranut annertussusi- liinerup 50%-imik qaffanneqarnissaa. Siunnersuutip siullermik nassatarissavaa akeqanngitsu- mik biileqartitaanerup aningaasatigut iluaqtissiinerata, nammineq biilitaarnermut atasumik aningaasartuutinut nallersuunneqarnerulersinneqarnissaa. Aappassaattullu kommunit Nammi- nersorlutik Oqartussallu akileraarutitigut annertunerusumik isertitaqarnissaat qulaakeerlugu. Naalakkersuisut isumaqarput tamat soqutigissagaat akissarsiat assigiinngitsut assigiimmik an- nertussuseqartumik akileraarusersugaanissaat. Akissarsiat assigiinngitsutigut akileraarusersu- gaanerisa assigiinngissusiat annertuallaalerpat, sulisut sulisitsisullu aningaasanik akissarsiat appasinnerutillugit akeqanngitsumik biileqartitaanermik tapeqartitsinissamut kajumissaar- neqalissapput. Taamatut ineriaartornissaq inuiaqatigiit soqutigisarinngilaat. Tamannami ilaati- gut akileraarutinit isertitassanik annaasaqarnermik kinguneqassaaq ilaatigullu aqqsinerni pis- ari-aqartitsineq sipporlugu biileqarnerulernermik kinguneqassalluni.

Naggataatigut inatsisisstatut siunnersuut nassuaatitalu innersuussutigissavakka.

Taamatut oqaaseqarlunga Naalakkersuisut sinnerlugit siunnersuut Inatsisartuni suliassanngor- tippara Akileraarusisarnermut Akitsuusiisarnermullu Ataatsimiitaliami suliarineqareernera- ni aappassaaniigassanngorlugu.